

ZAPISNIK

sa četvrte redovne sjednice Upravnog odbora Univerziteta u Tuzli
održane **ponedjeljak 18.10.2021. godine**, sa početkom u 13,00 sati u Sali za sjednice Rektorata
Univerziteta u Tuzli

Sjednici su prisustvovali: predsjednik Upravnog odbora dr.sci. Semir Ahmetbegović, vanr.prof., te članovi: Omer Beširović, Suad Hasanović, Amela Dedić, dr.sci. Kenan Mandžić, red.prof, dr.sci. Anita Petrović, vanr.prof, dr.sci. Franc Andrejaš, vanr.prof i Amra Šehić, student.

Sjednici, iz opravdanih razloga, nije prisustvovala Adela Mustafagić Šaldić.

Osim članova Upravnog odbora sjednici su prisustvovali: generalni sekretar Jasmina Berbić, dipl.pravnik, šef Službe za pravne, kadrovske i opšte poslove Šejla Fazlić, dipl.pravnik, te u svojstvu izvjestioca po pojedinim tačkama dnevnog reda: direktor za ekonomske poslove Husein Matović, dipl.ecc, direktor Studentskog centra Jusuf Džihanović, dipl.ecc, dekan Prirodno-matematičkog fakulteta dr.sci. Vedad Pašić, vanr.prof., dekan Pravnog fakulteta dr.sci. Amir Karić, vanr.prof. i sekretar Centra za sport Alan Alagić.

Predsjednik Upravnog odbora konstatovao je da postoje uslovi za rad i odlučivanje na sjednici u skladu sa Poslovníkom o radu, te je otvorio četvrtu redovnu sjednicu Upravnog odbora.

Predsjednik Upravnog odbora otvorio je diskusiju po predloženom dnevnom redu. Obzirom da nije bilo diskusije za ovu sjednicu jednoglasno usvojen sljedeći

DNEVNI RED:

1. Usvajanje Zapisnika sa 3. redovne sjednice Upravnog odbora.
2. Donošenje Odluke o dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2021/22.godini.
- 2.1. Utvrđivanje Prijedloga Odluke o dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2021/22.godini.
3. Utvrđivanje Prijedloga Odluke o iznosu dodatne participacije u troškovima sticanja naučnog stepena magistra/doktora nauka i na drugom/trećem ciklusa studija na fakultetima/Akademiji Univerziteta u Tuzli
4. Razmatranje Zahtjeva Studentskog parlamenta Univerziteta za izmjene i dopune Pravilnika o uslovima, kriterijima i postupku prijema studenata u studentske domove Studentskog centra Univerziteta u Tuzli.
5. Donošenje Odluke o raspisivanju Internog oglasa za izbor generalnog sekretara.
- 5.1. Imenovanje Komisije za izbor generalnog sekretara.
6. Donošenje Odluke o izmjeni Odluke o usvajanju Plana nabavki za 2021. godinu
7. Razmatranje podneska Direktora Studentskog centra Univerziteta broj: 04- 5364-1/21 od 08.10.2021.godine u vezi ustupanja na korištenje Pravnom fakultetu dijela Paviljona I Studentskog centra.
8. Razmatranje Inicijative za rekonstrukciju Univerzitetske sportske dvorane
9. Zahtjev [REDAKCIJA], broj: 04-5046-1/21 od 27.09.2021. godine za informacijom o realizaciji Konkursa za izbor u sva naučno-nastavna zvanja na užu naučnu oblast "Hidrogeologija i hidrotehnika" bez zasnivanja radnog odnosa na Rudarsko-geološko-građevinskom fakultetu

TAČKA 1.

Usvajanje Zapisnika sa 3. redovne sjednice Upravnog odbora.

Zapisnik sa treće redovne sjednice Upravnog odbora jednoglasno je usvojen.

TAČKA 2.

Donošenje Odluke o dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2021/22.godini.

Šef Službe za pravne, kadrovske i opšte poslove izvjestila je članove Upravnog odbora da je Vlada Tuzlanskog kantona dala prethodnu saglasnost na Prijedlog Odluke Upravnog odbora o dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2021/22.godini, nakon čega je Upravni odbor Univerziteta jednoglasno donio sljedeću:

ODLUKU

o dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2021/22. godini

Član 1.

U članu 3. Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2021/22. godini (broj: 04-2880-1-1/21 od 14.06.2021. godine i broj: 04-4001-1-2/21 od 07.09.2021. godine), iza riječi „na“ dodaju se riječi „Pravnom fakultetu“.

Član 2.

Ova Odluka stupa na snagu danom donošenja.

2.1.

Utvrđivanje Prijedloga Odluke o dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2021/22.godini.

Dekan Prirodno-matematičkog fakulteta dr.sci. Vedad Pašić, vanr.prof. upoznao je članove Upravnog odbora da je Univerzitet u Tuzli raspisao Konkurs za upis kandidata na drugi ciklus studija u akademskoj 2021/22 godini na studijski program „Ekomonitoring i bioindikacija voda“ Prirodno-matematičkog fakulteta Univerziteta, koji je proizašao iz projekta Erasmus + Project No ECOBIAS_609967-EPP-1-2019-1-RS-EPPKA2-CBHE-JP Development of master curricula in ecological monitoring and aquatic bioassessment for Western Balkans HEIs. Obzirom da se za studijske programe koji su proizvod projekata koje finansira Europska Komisija ne može naplaćivati školarina tokom trajanja projekta, to je neophodno na izneseni način dopuniti Odluku troškovima sva tri ciklusa studija na fakultetima/Akademiji Univerziteta u Tuzli u akademskoj 2021/22. godini. Nakon diskusije Upravni odbor Univerziteta jednoglasno je utvrdio Prijedlog

O D L U K E

o dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2021/22. godini

Član 1.

U članu 5. Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2021/22. godini (broj: 04-2880-1-1/21 od 14.06.2021. godine, broj: 04-4001-1-2/21 od 07.09.2021. godine i broj: 04- 5416-1-2/21 od 18.10.2021. godine), iza stava (1) dodaje se novi stav (2) koji glasi:

"(2) Izuzetno od odredbe stava (1) ovog člana studenti upisani na studijski program "Ekomonitoring i bioindikacija voda" Prirodno-matematičkog fakulteta proizašao iz Erasmus + Project No ECOBIAS_609967-EPP-1-2019-1-RS-EPPKA2-CBHE-JP Development of master curricula in ecological monitoring and aquatic bioassessment for Western Balkans HEIs, ne plaćaju školarinu za vrijeme trajanja Projekta."

Član 2.

Ova Odluka stupa na snagu danom donošenja.

TAČKA 3.

Utvrđivanje Prijedloga Odluke o iznosu dodatne participacije u troškovima sticanja naučnog stepena magistra/doktora nauka i na drugom/trećem ciklusa studija na fakultetima/Akademiji Univerziteta u Tuzli

Generalni sekretar Univerziteta upoznala je članove Upravnog odbora da je potrebno utvrditi iznos dodatne participacije u skladu sa članom 150. stav (8) Zakona o visokom obrazovanju ("Službene novine Tuzlanskog kantona", broj: 7/16, 10/16, 5/17, 15/17, 15/19, 9/20 i 17/21) za lica koja mogu nastaviti postupak za sticanje naučnog stepena doktora nauka/postdiplomskog studija koji vodi sticanju naučnog stepena magistra na Univerzitetu u Tuzli kao i iznos dodatne participacije u troškovima studija na drugom i trećem ciklusu studija na Univerzitetu u Tuzli za lica kojima je istekao rok za završetak studija, a kojima je Pravilnikom, odnosno Odlukom Senata Univerziteta u Tuzli stvoren pravni osnov za podnošenje zahtjeva za nastavak studija uz obavezu plaćanja dodatne participacije.

Nakon diskusije Upravni odbor Univerziteta u Tuzli jednoglasno je utvrdio Prijedlog

O D L U K E

o iznosu dodatne participacije u troškovima sticanja naučnog stepena magistra/doktora nauka i na drugom/trećem ciklusa studija na fakultetima/Akademiji Univerziteta u Tuzli

Član 1.

Lice koje podnese zahtjev i nastavi započeti postupak za sticanje naučnog stepena doktora nauka na Univerzitetu u Tuzli, u obavezi je plaćati neizmireni iznos utvrđene školarine prema dinamici utvrđenoj

posebnim opštim aktom Univerziteta te dodatnu participaciju u troškovima tog postupka u visini od 300,00 KM, po semestru, a koju uplaćuje u prvoj sedmici nastave akademske godine u kojoj nastavlja postupak, odnosno u prvoj sedmici ljetnog semestra iste akademske godine ukoliko do početka ljetnog semestra ne odbrani doktorsku disertaciju.

Član 2.

Lice koje podnese zahtjev i nastavi započeti postdiplomski studij na Univerzitetu u Tuzli, u obavezi je plaćati neizmireni iznos utvrđene školarine prema dinamici utvrđenoj posebnim opštim aktom Univerziteta te dodatnu participaciju u troškovima tog studija u visini od 200,00 KM, po semestru, a koju uplaćuje u prvoj sedmici nastave akademske godine u kojoj nastavlja studij, odnosno u prvoj sedmici ljetnog semestra iste akademske godine ukoliko do početka ljetnog semestra ne odbrani magistarski rad.

Član 3.

Lice koje podnese zahtjev i nastavi započeti doktorski studij na Univerzitetu u Tuzli, u obavezi je plaćati neizmireni iznos utvrđene školarine prema dinamici utvrđenoj posebnim opštim aktom Univerziteta te dodatnu participaciju u troškovima tog studija u visini od 300,00 KM, po semestru, a koju uplaćuje u prvoj sedmici nastave akademske godine u kojoj nastavlja studij, odnosno u prvoj sedmici ljetnog semestra iste akademske godine ukoliko do početka ljetnog semestra ne odbrani završni doktorski rad.

Član 4.

Lice koje podnese zahtjev i nastavi započeti drugi ciklus studija na Univerzitetu u Tuzli, u obavezi je plaćati neizmireni iznos utvrđene školarine prema dinamici utvrđenoj posebnim opštim aktom Univerziteta te dodatnu participaciju u troškovima tog studija u visini od 200,00 KM, po semestru, a koju uplaćuje u prvoj sedmici nastave akademske godine u kojoj nastavlja studij, odnosno u prvoj sedmici ljetnog semestra iste akademske godine ukoliko do početka ljetnog semestra ne odbrani završni magistarski rad.

Član 5.

Ova Odluka stupa na snagu danom donošenja, a primjenjuje se od akademske 2021/22. godine.

TAČKA 4.

Razmatranje Zahtjeva Studentskog parlamenta Univerziteta za izmjene i dopune Pravilnika o uslovima, kriterijima i postupku prijema studenata u studentske domove Studentskog centra Univerziteta u Tuzli.

Direktor Studentskog centra Jusuf Džihanović, dipl.ecc i generalni sekretar Jasmina Berbić, dipl.pravnik upoznali su članove Upravnog odbora sa Zahtjevom Studentskog parlamenta Univerziteta u Tuzli broj: 01-4493-1/21 od 09.09.2021. godine za izmjene i dopune Pravilnika o uslovima, kriterijima i postupku prijema studenata u studentske domove Studentskog centra Univerziteta u Tuzli. Nakon održane diskusije, Upravni odbor Univerziteta jednoglasno je donio sljedeći:

ZAKLJUČAK

I

Upravni odbor Univerziteta u Tuzli nije mogao odlučiti po Zahtjevu Studentskog parlamenta Univerziteta u Tuzli broj: 01-4493-1/21 od 09.09.2021. godine za izmjene i dopune Pravilnika o uslovima, kriterijima i postupku prijema studenata u studentske domove Studentskog centra Univerziteta u Tuzli.

II

Zadužuju se Direktor Studentskog centra, Direktor za ekonomske poslove i Služba za pravne, kadrovske i opšte poslove da u roku od 30 dana od dana prijema ovog Zaključka, dostave Upravnom odboru informaciju o mogućnosti uvođenja imatrikulanata u predmetno pravo.

TAČKA 5.

Donošenje Odluke o raspisivanju Internog oglasa za izbor generalnog sekretara.

Šef Službe za pravne, kadrovske i opšte poslove Šejla Fazlić, dipl.pravnik obrazložila je članovima Upravnog odbora prijedlog Odluke o raspisivanju Internog oglasa za izbor Generalnog sekretara, nakon čega je Upravni odbor Univerziteta u Tuzli donio

O D L U K U

o raspisivanju Internog oglasa za izbor i imenovanje Generalnog sekretara Univerziteta u Tuzli

I

Raspisuje se Interni oglas za izbor i imenovanje Generalnog sekretara Univerziteta u Tuzli.

II

Za Generalnog sekretara Univerziteta u Tuzli može biti izabran kandidat koji ispunjava sljedeće opće i posebne uslove:

Opći uslovi:

- a) da je državljanin Bosne i Hercegovine;
- b) da je zdravstveno sposoban za obavljanje poslova Generalnog sekretara;
- c) da pravosnažnom odlukom suda nije osuđen za krivično djelo ili privredni prijestup, što predstavljaju smetnju za izbor i imenovanje na poslove Generalnog sekretara;
- d) da mu pravosnažnom odlukom suda nije izrečena mjera zabrane obavljanja poslova Generalnog sekretara;
- e) da se na njega ne odnosi član IX. 1. Ustava BiH.

Posebni uslovi:

- a) diplomirani pravnik ili lice sa završenim prvim ciklusom visokog obrazovanja pravne struke prema Bolonjskom sistemu studiranja koji se vrjednuje sa 240 ECTS bodova sa radnim iskustvom u struci u trajanju od najmanje pet godina,
- b) da je u radnom odnosu na Univerzitetu sa punim radnim vremenom,
- c) da nema funkciju u izvršnim organima političke partije ili organizacije koja je povezana sa političkom partijom;
- d) nepostojanje privatnog finansijskog interesa na Univerzitetu u Tuzli.

Generalni sekretar se bira/imenuje na mandatni period od 5 (pet) godina i može biti ponovo izabran na još jedan mandatni period.

III

Uz **prijavu** na Interni oglas kandidat je dužan priložiti, **dokaze** o ispunjavanju općih i posebnih uslova i to:

- a) biografiju,
- b) uvjerenje o državljanstvu BiH ne starije od 6 (šest) mjeseci, u skladu sa tačkom a) općih uslova,
- c) izjavu da pravosnažnom odlukom suda nije osuđen za krivično djelo i privredni prijestup što predstavljaju smetnju za imenovanje na te poslove, ovjerenu kod nadležnog organa ili notara, u skladu sa tačkom c) općih uslova,
- d) izjavu da mu pravosnažnom odlukom suda nije izrečena mjera zabrane obavljanja poslova Generalnog sekretara, ovjerenu od strane nadležnog organa ili notara, u skladu sa tačkom d) općih poslova,
- e) izjavu da se na njega ne odnosi član IX. 1., Ustava BiH, ovjerenu kod nadležnog općinskog organa ili notara, u skladu sa tačkom e) općih poslova,
- f) diplomu o završenom pravnom fakultetu ili završenom prvom ciklusu visokog obrazovanja pravne struke prema Bolonjskom sistemu studiranja koje se vrednuje sa 240 ECTS bodova,
- g) uvjerenje o radnom iskustvu u struci u trajanju od najmanje pet godina,
- h) uvjerenje da je u radnom odnosu sa punim radnim vremenom na Univerzitetu u Tuzli u skladu sa tačkom b) posebnih uslova,
- i) izjavu da nema funkciju u izvršnim organima političke partije ili organizacije koja je povezana sa političkom partijom, ovjerenu kod nadležnog organa ili notara, u skladu sa tačkom c) posebnih uslova,
- j) izjavu da nema privatni finansijski interes na Univerzitetu, ovjerenu kod nadležnog organa ili notara, u skladu sa tačkom d) posebnih uslova.

Izjave iz tačke III podtačke c) d) e), i) i j) Oglasa moraju biti ovjerene kod nadležnog organa ili notara, a ostali dokazi iz tačke III Oglasa moraju biti u originalu ili u fotokopiji ovjerenoj kod nadležnog organa ili notara.

Dokaz o ispunjavanju uslova iz tačke II podtačke b) općih uslova (ljekarsko uvjerenje o zdravstvenoj sposobnosti za obavljanje poslova Generalnog sekretara), ne starije od 6 (šest) mjeseci, dužan je dostaviti naknadno samo kandidat koji bude izabran, a prije zaključivanja ugovora o radu.

IV

Prijave, sa svim potrebnim dokazima, dostavljaju se u roku od 15 (petnaest) dana od dana objavljivanja

Internog oglasa na oglasnim pločama fakulteta/Akademije i na Web stranici Univerziteta.

V

Nepotpune i neblagovremene prijave neće se uzeti u razmatranje.

VI

Informacije o djelokrugu rada Generalnog sekretara dostupne su na WEB stranici Univerziteta u Tuzli www.untiz.ba (akti/dokumenti -Statut; Pravilnik o unutrašnjoj organizaciji i sistematizaciji).

VII

Prijava na Interni oglas s potrebnim dokazima, dostavlja se u zatvorenoj koverti na pisarnicu Univerziteta u Tuzli ili putem pošte, na adresu:

UNIVERZITET U TUZLI

**Konkursna komisija - uz naznaku "Prijava na Interni oglas za izbor Generalnog sekretara "
Ul. Dr. Tihomila Markovića br. 1, 75000 Tuzla.**

5.1.

Imenovanje Komisije za izbor generalnog sekretara.

Šef Službe za pravne, kadrovske i opšte poslove upoznala je članove Upravnog odbora sa odredbama Statuta koji propisuju sastav Komisije za izbor Generalnog sekretara.

Na prijedlog predsjednika Upravnog odbora, donesena je

O D L U K A

o imenovanju Komisije za izbor i imenovanje Generalnog sekretara Univerziteta u Tuzli

I

Imenuje se Komisija za izbor i imenovanje Generalnog sekretara Univerziteta u Tuzli i to:

1. dr.sci. Semir Ahmetbegović, vanr.prof., predsjednik,
2. dr.sci. Franc Andrejaš, vanr.prof., zamjenik predsjednika,
3. Šejla Fazlić, dipl.pravnik, član.

II

Komisija iz tačke I ove Odluke, u roku od 15 (petnaest) dana od dana zaključivanja Internog oglasa sačinjava Listu kandidata koji ispunjavaju uslove oglasa, a čije su prijave potpune i blagovremene.

III

Lista kandidata iz tačke II ove Odluke dostavlja se Upravnom odboru Univerziteta u Tuzli na dalji postupak.

TAČKA 6.

Donošenje Odluke o izmjeni Odluke o usvajanju Plana nabavki za 2021. godinu

Direktor za ekonomske poslove Univerziteta upoznao je članove Upravnog odbora da je Odlukama Vlade Tuzlanskog kantona broj: 02/1-34-19055-2/21 i 02/1-11-18700-2/21 od 29.09.2021. godine izvršeno usmjeravanje dijela transfera za posebne namjene u Budžetu Tuzlanskog kantona u svrhu realizacije inostranih projekata IQPharm i INTERBA. U skladu sa navedenim odlukama voditelji projekata IQPharm, prof.dr. Aida Smajlović i INTERBA, prof.dr. Elvis Ahmetović, podnijeli su zahtjeve za dopunu Plana nabavki Univerziteta za 2021. godinu kako bi se započelom sa procedurama javnih nabavki koje su predviđene navedenim projektima.

Nakon razmatranja Prijedloga, Upravni odbor Univerziteta jednoglasno je donio

ODLUKU

o izmjeni i dopuni Odluke o usvajanju Plana nabavki Univerziteta u Tuzli za 2021. godinu broj : 04-1336-1-4/21 od 15.03.2021. godine, broj : 04-2612-1-4/21 od 03.06.2021. godine broj : 04-3351-1-4/21 od 21.07.2021. godine, broj: 04-4001-1-8/21 od 07.09.2021. godine i broj: 04-5017-1-6/21 od 30.09.2021. godine

I

U tački I Odluke o usvajanju Plana nabavki Univerziteta u Tuzli za 2021. godinu broj: 04-1336-1-4/21 od 15.03.2021. godine, broj : 04-2612-1-4/21 od 03.06.2021. godine, broj : 04-3351-1-4/21 od 21.07.2021. godine, broj : 04-4001-1-8/21 od 07.09.2021. godine i broj : 04-5017-1-6/21 od 30.09.2021. godine **odaju se nove nabavke pod rednim brojevima: 131.3; 131.4; 131.5 i 131.6** i glase :

R. br	Fakultet/org.jedinica	Ekonomski kod	Predmet javne nabavke	Finansiranje iz budžeta KM bez PDV	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6+7)	Vrsta postupka	JRKN	Napomena
1.	2.	3.	4.	5.	6.	7.	8.	9.	10.	11.
131.3	FARM	8213	Nabavka računarske i elektroničke opreme (projekat IQPharm)			21.514,00	21.514,00	Otvoreni postupak	30000000-9	
131.4	FARM	8213	Nabavka aparata za fotokopiranje (projekat IQPharm)			6.356,00	6.356,00	Otvoreni postupak	30000000-9	
131.5	FARM	8213	Nabavka laboratorijske opreme (projekat IQPharm)			59.163,00	59.163,00	Otvoreni postupak	38000000-5	
131.6	TEH	8213	Nabavka računarske i elektroničke opreme (projekat INTERBA)			62.587,00	62.587,00	Otvoreni postupak	30000000-9	

II

U koloni 7 – Primljeni tekući transferi i donacije i koloni 8 -Ukupno mijenjaju se ukupni iznosi na ekonomskom kodu 8213 i iznose 660.609,90 (kolona 7) i 1.119.102,90 KM bez PDV (kolona 8).

U koloni 7 – Primljeni tekući transferi i donacije i koloni 8- Ukupno mijenjaju se ukupni iznosi Plana nabavki za 2021. godinu i iznose: 821.780,00 bez PDV (kolona 7) i 3.268.074,00 KM bez PDV (kolona 8).

III

U ostalom dijelu Odluka o usvajanju Plana nabavki Univerziteta u Tuzli za 2021. godinu broj: 04-1336-1-5/21 od 15.03.2021. godine, broj: 04-2612-1-4/21 od 03.06.2021. godine, broj: 04-3351-1-4/21 od 21.07.2021. godine; broj : 04-4001-1-8/21 od 07.09.2021. godine i broj : 04-5017-1-6/21 od 30.09.2021. godine ostaje nepromijenjena.

TAČKA 7.

Razmatranje podneska Direktora Studentskog centra Univerziteta broj: 04- 5364-1/21 od 08.10.2021.godine u vezi ustupanja na korištenje Pravnom fakultetu dijela Paviljona I Studentskog centra.

Direktor Studentskog centra Jusuf Džihanović, dipl.ecc, obrazložio je navode iz podneska broj: 04- 5364-1/21 od 08.10.2021.godine u vezi ustupanja na korištenje Pravnom fakultetu dijela Paviljona I Studentskog centra. Dekan Pravnog fakulteta dr.sci. Amir Karić, van.prof., obrazložio je potrebu za ustupanjem dijela Paviljona I na korištenje Pravnom fakultetu. Nakon održane diskusije, Upravni odbor Univerziteta u Tuzli donio je sljedeći

ZAKLJUČAK

I

Prima se k znanju informacija Direktora Studentskog centra i informacija dekana Pravnog fakulteta u vezi ustupanja na korištenje Pravnom fakultetu dijela prostorija Paviljona I Studentskog centra Univerziteta u Tuzli.

II

Zadužuje se Rektorica da do naredne redovne sjednice Upravnog odbora dostavi obrazloženje Saglasnosti broj: 01-5243-1/20 od 30.11.2020. godine o ustupaju na korištenje Pravnom fakultetu dijela prostorija

Paviljona I Studentskog centra Univerziteta u Tuzli.

TAČKA 8.

Razmatranje Inicijative za rekonstrukciju Univerzitetske sportske dvorane

Sekretar Centra za sport: Alan Alagić obrazložio je članovima Upravnog odbora Inicijativu za rekonstrukciju Univerzitetske sportske dvorane. S tim u vezi ukazao je na potrebu rekonstrukcije Univerzitetske sportske dvorane te da je Komisija, čiji je zadatak bio da izvrši procjenu stanja postojećeg građevinskog objekta, instalacija, osnovnog i pomoćnog inventara, opreme i rekvizita, dala mišljenje da postoji opravdanost rekonstrukcije Univerzitetske sportske dvorane. Nakon održane diskusije Upravni odbor Univerziteta donio je

ODLUKU

I

Imenuje se Tim u sastavu:

1. dr.sci. Semir Ahmetbegović, vanredni profesor, predsjednik Upravnog odbora Univerziteta,
2. dr.sci. Nermina Hadžigrahić, redovni profesor, Rektorica Univerziteta u Tuzli i
3. Alan Alagić, prof.tjelesnog odgoja, sekretar Centra za sport.

II

Zadatatak Tima iz tačke I ove Odluke je da organizuje sastanak sa Ministarstvom obrazovanja i nauke Tuzlanskog kantona u cilju prezentiranja potrebe rekonstrukcije Univerzitetske sportske dvorane Univerziteta u Tuzli.

III

Ova Odluka stupa na snagu danom donošenja.

TAČKA 9.

Zahtjev [REDAKCIJA], broj: 04-5046-1/21 od 27.09.2021. godine za informacijom o realizaciji Konkursa za izbor u sva naučno-nastavna zvanja na užu naučnu oblast "Hidrogeologija i hidrotehnika" bez zasnivanja radnog odnosa na Rudarsko-geološko-građevinskom fakultetu.

Nakon diskusije u vezi sa Zahtjevom [REDAKCIJA] broj: 04-5046-1/21 od 27.09.2021.godine Upravni odbor Univerziteta u Tuzli donio je sljedeći

ZAKLJUČAK

Upravni odbor Univerziteta u Tuzli nema nadležnost u ovom akademskom pitanju te se isti prosljeđuje Senatu Univerziteta u Tuzli, kao nadležnom organu na rješavanje.

Sjednica je završila u 17 sati i 17 minuta.

ZAPISNIK SAČINILA

Šejla Fazlić, dipl.pravnik

UNIVERZITET U TUZLI

Broj: 04-5416-1/21

Tuzla, 18.10.2021. godine

PREDSJEDNIK
UPRAVNOG ODBORA

dr.sci. Semir Ahmetbegović, vanr.prof.